

PRONOSTICOU



NOSTRADAMUS.

Nostradamus (Ph) in Elan



GUIR BOLTRET
MICHEL NOSTRADAMUS,
OLABOURAT VAR EFFEJOU AN ASTROU.



GUÏR
PRONOSTICOU
AN DEN SAVANT MEURBED
MICHEL
NOSTRADAMUS,

EVIT NAO BLOAS,

*E pere e veco gullet ar bloaveziou founnus pe
disfroues, temps an ear, priz an Ed, ar Guin,
ar Gloan, al Lin, ar C'hanap, ar Patates,
hae eus a bep seurt Marc'hadourezou all;
evit utilite bras al Labourien, etc.*



Troet eus an Imprimet galle e Valanq,
e ty P. Massacr, ru an Ifern,
Hac a gaver e ty LEDAN, e Montroulez.



EPITAFEN

MICHEL NOSTRADAMUS,

Astrologian ha Mathematician.

Ama e repos relegou an den savant meurbed MICHEL NOSTRADAMUS, a behini ar bluen aour ha cazi diviñ a zo bet a bep amzer estimet dign da draci d'ar bed oll, herves pouvoar an Astrou, an iscuou da zont dreist ar rond eus ar bed universel.

Guenel a eure er guær a Sant-Remi, er Provanç, d'ar yaou ar 4 a vis Qerzu 1503, da 3 heur eus ar miatin, eus a Jacques Nostradamus, Noter, hac eus a Renea Sant-Remi.

Mervel a eure e Solon-du-Craux, er Provanç, ar 5 a vis Even 1566, cazi d'ar sav-eol, oaget a 63 vloas 6 puis 1 devez 23 minut 10 second.

Ur mis gent mervel, e tiouc'hanas e varo arc ar c'homzou-mâ : *Hic prope mors est* ; da lavaret eo : Amâ tost e ma va mado.

Predictionou general evit ar bloa 1832.

AR Gouân a vezo divezad ha glaoec. Beza e vezo calz a erc'h, hac e chommo pell-var an douar. Al loened gouez a vezo qen affamet, ma vezint guelet a vandennou oc'h antre er o'hreyer da zevori ar chatal. Tud memes o devezo ar maleur da veza devoret ganto.

Commançamant an Nevez-Amzer a vezo yen; ar c'hreiz a royo deomp un nebeut grizill, hac ar fin a vezo tom, arnêüs ha glaoec bras.

An Hân a vezo eus un domder dreist-muzur, ar glao bras meurbed, ar grizill, ar gurun hac al luc'hed a vezo peur liessa. Qen tom e vezo, m'o devezo an anevaled poan o caout dour ha paturach; an douarou a vezo qer sec'h, m'o devezo an ear ous un desert. An eol a vezo qer tom, ma renco ar beacherien bale en nos, evit tec'hel eus an domder vras.

An Discar-Amzer, en e gommançamant, a vezo qer tom evel an hân, ar pez a rayo d'an eost beza rostet. Ar c'hreiz a vezo un nebeudie fresc oc'h, exceptet ar vrumennic benac. Ar fin a vezo rust, ha clânvus. An eost a vezo pell da veza mad.

*An edou, ar gist, hac anfin, un oll varc'hadurez
a vezo gouell guer.*

Predictionou evit ar bloa 1833.

AR Gouân a vezo goual disagreepl; e gommançamant a vezo scornec, carguet a frim hac a erc'h; ar bleizi a rayo un nebeut ravach var ar meaz, dre na ellint caout nep bevañ, abalamour d'an erc'h bras a vezo var an douar. Ar c'hreiz a vezo glaoec, ar pezh a vezo caus eus un discern spontus. Ar fin a royo deomp calz a avel, pehini a boulso an doureyer; beza hor bezou ivez un nebeud scorn, pehini a vezo favorabl da vadou an douar.

An Nevez-Amzer a vezo passablamant caer, ha profitabl da oll vadou an douar. Ar c'hreiz a vezo un nebeud mesquet eus a c'hlaod-mad-oberus. Ar fin a vezo qen agreabl evel ma ell resonablamant en esperout.

An edou o devezo un apparañ gaer; ar glao a c'hoarvezo pa vezint e fleur, na noazint qet outo gement evel ma sonjot.

Beza hor bezou un Hân tom aoualc'h; arneou stanc gant glao pounner; ar gurun a vezo clêvet avisiou; gouscoude an eost na souffro netra a guementse; beza e vezo er c'hontrol mad bras.

An Discar-Amzer a vezo passablamant caer, daoust ma vezo avel incommod ha brumen, ar pezh a vezo caus a glêñvejou. Calz tud a varvo.



Predictionou general evit ar bloa 1834.

AR Gouân a vezo connabrus en e gommançamant. Ar c'breiz a vezo teval, yen hac enouus. Hir e vezo; al loened na gavint patu-rach nemet gant calz a boan, gant an deoder eus an erc'h a vezo var an douar.

An Nevez-Amzer a vezo passabl en e gommançamant; an ear a vezo douç. Ar c'breiz a xisquezo deomp ar c'hampagnou qen caer, evel ma ellet en dezirout. An dud divar ar meaz a velo gant admiration an natur ous en em'orn-eus o fareür, hac'al lapoucedigou o nevezio c'hannouennou a joa, evit celebri an distro eus an amzer gaer. Ar fin a royo un nebeud glao convenabl d'an oll greunioù.

An Hân a vezo tom bras en e hed, ar pezh a vezo caus da un nebeud terzien ha d'ur c'hénved all benac. Ar neu terrubl a vezo, ha grizill pehini a rai rayach e costez ar c'hus-eol.

An Discar-Amzer a baeo gant usur d'al labourer inginus al labour en devezo bet grêt er sesoniu all. An edou a rento en un nombr estonus.

Er bloa-mâ an demeziou a vezo nombrus hac eurus.

Batimanchou a arruo eurusamant er pors.

Ur c'hélou mad a gargo an oll a joa.



Predictionou general evit ar bloa 1835.

AR Gouân a vezo variant er gommançamant, dre scorn du, erc'h ha brumen. Ar c'hreiz a vezo sujet da dempest ha da scorn calet. Ar fin a royo deomp calz a c'hlaos hac a erc'h, ar pez a vezo caus da zic'hlamou dommajabl bras d'an neb a chom var bord ar rivierou. Ar bea-cher en devezo calz da souffr.

An Nevez-Amzer, en e gommançamant, a royo deomp un nebeut frim ha caouajou glao evit peur-achui da zissipa rigor ar gouân. Ar fin a vezo caer ha favorabl da vadou an douar.

An Hân a royo deomp, en e gommançamant, un domder favorabl benac. Ar c'hreiz a royo glao, luc'het hac un tarz curun benac; hep ober gaou. Ar fin a vezo mad d'an eost.

An Discar-Amzer, er gommançamant, a vezo caer meurbed, mes sujet da chenchediguez, pere gouscoude a royo un amzer favorabl evit an eost, hac a vezo abundant bras. Ar c'hreiz a royo aveliou foll, brumennou pere a occasiono meur a seurt clonvejou. Ar fin a vezo glaoec.

Ut loen furius ha saupach a rayo calz a ravach en ur brovinc.

An neb o devez chatal a dle gemer soign outo, rac calz a vleize vo er bloa-mâ.

Predictionou evit ar bloa 1836.

AR Gouân a vezo rust, hir hao enouus bras;
An erc'h a vezo pell bras var an douar, mes
ar c'heuneud na vezo get ger.

An Nevez-Amzer a vezo caer aoüalc'h en e
gommançamant; gouscoude e vezo variet dre
un nebeut scorn. E c'hreiz a royo deomp grizill
alies; ha var e fin e couezo calz a c'hlaou.

*Ar c'hanap hac al lin a vezo muioc'h abundant
eguet na dleyet credi.*

An Hân, en e gommançamant, a vezo tom
moderet, gant un nebeut glao mad-oberus. Ar
c'hreiz a vezo douç ha moderet. Ar fin a vezo
tom brao evit meüri an eost, pehini a vezo a-
bondant, ar pezh a rañ d'an edou beza guelloc'h
marc'hat eguet er bloaveziou diaroc.

*Un dimezi eus an estonnussa a rayo calz a vrud
en Europ.*

An Discar-Amzer a royo deomp un donder
benac, pehini, pell da noaz, a veüro ar rezin.
Er c'hreiz har bezo ur vrutnen benac, hac ar
fin a vezo humid gouell alies.

*Ar C'hommerc a yelo erfat; ha calz a lestrou eus
an Indes a erruo en hor bro, carguete eus a bep seurt
marc'hadourez.*



Predictionou general evit ar bloa 1837.

AR Gouân a vezo yêñ, coumoulus hac humid,
An avel Meryent, vardro ar c'hreiz, a zig-
gaço deomp scorn, frim hac erc'h, pere a
chommo pell-amzer var an douar.

An Nevez-Amzer a vezo douç, tamperet, ha
mad evit labouriou an douar. Ar Piz, ar Fao,
an Harico a vezo deus ar guella qalite. Gallout
e vezo hardimant e lezel da zec'hi hac oc'hont-
servi evit o hada er blâves varlerc'h, rac pro-
dui a rint calz coulz hac ar patates.

A Hân, peguement benac ma vezo humid,
na vezo get nebeutoc'h favorapl da vadou an
douar. Uu arneu benac a vezo, hac an avel a
vezo gouell grén; mes daoust da guementse,
an edou a vezo caer ha founnus.

*Ar bloa-mâ ar C'homerç a brôspero calz; guet e
vezo ul labour continuél er porsieu-mor, rac a bep
lec'h ec'h arruo hac e partio calz a vatimanchou.*

An Discar-Amzer a vezoq er caer ha ma el-
fet en desirout. An eost a vezo qen abundant,
ma vezo gant calz a boan cavet bircher aoualc'h
da zestum an edou a broduo.

*An amzer a vezo commod meurbed evit an hañd,
ha gûin Bourdel a erruo en abondanç en hor porsieu-
mor. Listri an Dquar-Nevez. a ereuo en hor bro.*

Predictionou general evit ar bloa 1838.

AR Gouân a vezo hir ; an erc'h a chommo
pell bras var an douar ; ar glaoyou bras a
laqayo ar rivierou da gresqi spontus ; ar fin a
vezo gouel enouus.

An Nevez-Amzer, a vezo qer caer, m'en em
gredo an dud eu ur barados. Ar gouez frouez
a royo ar c'haera esperanç ; ar prajeyer a vezo
qer caer, ma saillo al loëned gant joa, ar pezh
rento an dud laouen ; mes ar sinou caer-se a
dremeno prest, rac an ed a vezo suillet gant an
arneou frecant a deuyo demp eus an Nord.

*An neb a vezo zô bet prudent aouialch o devezo
grêt pōurvision doubl er bloa aroc.*

An Hân a vezo qer toin, na gavo ar beacher
ul lom dour da stanca e sec'hed, nemet gant
poan ; ar frouez a zisec'ho qent meüri, ar güin
hac ar gistr avezo gouell guer.

Clévet e vezo comz eus ur grenamant douar.

An Discar-Amzer a vezo favorabl evit destum
an nebeud ed a vezo achapet ous an amzer fall.

*Aruout a rayo en porsiou-mor, nombr bras a
vatimanchou carguet a varc'hadourezou eus an
enezioù, ar c'hommeiç a brospéro.*

*Nombr bras a zemeziou a vezo ; ha eusi tout a
vezint eürus.*

Prediction general evit ar bloa 1839.

AR Gouân a vezo diwezad, clénvedus er gommançamant ha sujet d'ar rhem, etc., dre an avelou Nord a reno er c'hreiz, ha na eessint nemét goude beza guennêt ar c'hæriou hac ar c'hampagniou eus a un erc'h qen teo, ma còumeto al loened gouez calz ravach, defot boued, hac a viro ar beacherien d'en em laqat en hent. Ar fin a vezo scornec, gant frim ha glao.

Gommançamant an Nevez-Amzer a vezo caer passabl. Ar c'hreiz a vezo mesqet a c'hlaou mad-oberus ; e fin tom hac arneus. Al luc'hed hac ar gurun a vezo gullet ha clêvet alies.

An Hân, er gommançamant, a vezo agreabl, avichou un nebeud glao bian a rayo profita an edou, a vezo sclear, mes an damoezennoù hir ha founnus a c'hreun. Gousceude e vezo calz a ed dêved. Ar guiniz du a vezo abundant, amzer an hada o veza en em gavet commod. Didomagi arint al labourer eus e oll boaniou.

An Discar-Amzer a royo da goumanç amzer sclear. Ar c'hreiz cazi memes tra, sepet ur vrumen benac. Ar fin rust ha sujet d'ar c'hlenvejou. An abundanç a frouez a vezo caus d'ar fluz, etc. Laqit eta evez mad.

Ar C'hommerc a vezo florissant.

Predictionou general evit ar bloa 1840.

AR Gouan a vezo humid ha tenval er gommançamant. Ar c'hreiz a zigasso avel reter, burisio an ear. Ar fin a royo deomp un amzer rc'h ha scornec, gant grizill hac avel.

An Nevez-Amzer a vezo agreabl aoñalc'h er ommançamant. Ar c'hreiz a ziscuelo ar parreyer hac ar prajeyer qer caer ha ma eller en lesirout. Ar fin a rayo deomp ancounac'bat antieramant ar rigor eus ar gouân tremenet.

An Hân a vezo tom, mes eus a un domder amperet, a betra e c'hoarvezo un eost abonlant. Evit ar pezh a sel eus an ear, an arneou vezo terrubl abalamour d'ar grizill, pehini a istrujo calz a blant varzu ar c'hus-eol; mes ar vro-mâ na zouffro netra eus a guementse.

Ar c'hanab hac al lin a brospéro calz er bloa-mâ.

An Discarg-Amzer a royo deomp un amzer favorabl evit dastum an ed, pehini a vezo en ar gantite qer bras evel ma eller en desirout, ar pezh a rayo dezân diminui à bris.

Guelet e vezo, e commançamant ar bloa calz a sinou en ear. Meur a hini a sponto o sellet out.

FIN AR PRONOSTICOU.

AVERTISSAMANT

*Necesser bras da bep den evit ober abro
pourvision e dieguez, observet gant tud ancien.*

Ober pourvision ed ha dillad e mis Guengole.

Ober pourvision güin e mis Du.

Ober pourvision queuneud hac amann
mis Mae.

Ober pourvision qic da sala e mis Qerzu.

Ober pourvision froues e mis Eost.

Ober pourvision pesqet e mis Guenveur.

Ober pourvision heaul ha soa e mis Here.

Prena neud e mis Meurs.

Prena Qezec, eugenet, saout ha denved
mis Ebrel.



PREDICTIONOU EVIT PEB MIS.

GUENVEUR.

Meuragueguin en em orno eus a blun ar pañ.

C'HUEVRER.

C'hoarigaere vitur menez ehenel ullogoden.

MEURS.

Fin terrubl eus a un den brudet bras.

EBREL.

Grenamant douar, apparition ur menez tân.

MAE.

Tempest var vor. Fin gloriüs un den puissant.

EVEN.

Stereden losteq. Aoun hep drous.

GOUERE.

Action gaer eus ur soudard yaonane.

EOST.

Eureou sod, hac a blich d'an den.

GUENGOLO.

Boneur ha maleur. Evelse e za ar bed.

HERE.

Chanchamant bras e meur a dra.

DU.

Nep a zer e lagad d'ar maleur, a grio d'e dro.

QERZU.

Brud brezel ha c'hoant peoc'h.

